

# 卷八十一

書名 唐詩品彙九十卷拾遺十卷 嘉靖十六年序刊本  
 撰者 明 高棟 輯  
 卷 卷八十一  
 內容分類 集-總集-各代-唐  
 索書號 集部-總集-35  
 編號 D7841100

彩色首頁1

[東洋文化研究所漢籍目錄 編號: D7841100](#)

[東洋文化研究所漢籍目錄所藏漢籍善本文影像資料庫 索書號: 集部-總集-35](#)

[漢籍善本文影像資料庫文本唐詩品彙九十卷拾遺十卷 嘉靖十六年序刊本](#)

[版權所有: 東京大學 東洋文化研究所](#)

[使用上的注意事項](#)

唐詩品彙拾遺卷之一

言古詩上

太宗皇帝 五首

帝京篇 三首

日雙闕昏迴輿九重暮長煙散初暝皎月澄輕素  
 晁說琴書開軒引雲霧斜漢耿層閣清風搖玉樹

二

臨樂館眺聽歡芳節急管韻朱絃清歌凝白雪  
 蕭來儀玄鶴紛成列去茲鄭衛聲雅音方可悅

三

新寧高棟編

唐詩品彙卷八十一

墜石連村響狂雷發廟威氣中寒涓澗影外白樓微  
雲對蓮花落泉橫露掌飛乳懸危磴滑樵徹上方稀  
澹泞生真趣逍遙息世機野花明澗路春蘚滋松園  
遠洞時聞磬群僧書掩扉他年洗塵骨香火願相依

陸衣

一首

禁林聞曉鶯

曙色分層漢鶯聲繞上林報花開瑞錦催柳綻黃金  
斷續隨風遠間閑送月沉語當溫樹近飛覺禁園深  
綉戶驚殘夢瑤池轉好音願將棲息意從此沃天心

唐詩品彙八十卷

唐詩品彙八十一卷

旁流

有姓氏無字里世次可考者三十一人

朱延齡

一首

秋山極天淨

雨洗高秋淨天臨大野閑葱蘢清萬象繚繞出層山  
日落千峯上雲銷萬壑間綠蘿霜後翠紅葉雨未殷  
散彩輝吳甸分形壓楚關欲尋霄漢路延首願登攀

張叔良

一首

長至上公獻壽

鳳闕晴鐘動雞人曉漏長九重初啓鑰三事正稱觴

日至龍顏近天旋聖曆昌休光連雪淨瑞氣雜爐香  
化被君臣洽恩沾士庶康不因稽舊典誰得紀朝章

崔琮 一首

奉和前題

應曆三陽首朝天萬國同斗邊看子月臺上候祥風  
五夜鐘初動千門日正融玉階文物盛仙仗武貔雄  
率舞皆群獸稱觴即上公南山為聖壽長對未央宮

李竦 一首

奉和前題

候曉金門闕乘時寶曆長羽儀瞻上帝雲物麗初陽  
漢禮方傳佩堯年正奉觴日行臨觀闕帝錫洽珪璋

盛美趨三代洪休降百祥自怜朝玉座宴此詠無疆

史延 一首

清明日賜百官新火

上苑連侯第清明及暮春九天初改火萬井屬良辰  
頒賜恩踰洽承時慶亦驚翠烟和柳嫩紅焰出花新  
寵命尊三老祥光燭萬人太平當此日空腹賀陶鈞

王濯 一首

奉和前題

御火傳香殿華光及侍臣星流中使馬燭照九衢人  
轉景連金屋分輝麗錦茵燭迎紅蓋發烟染玉條春  
助律和風早添爐煖氣新誰怜一寒女猶望照東隣

韓濬一首

奉和前題

朱騎傳紅燭天厨賜近臣  
火隨黃道現煙遶白榆新  
榮耀分他室恩光共此辰  
更調金鼎味還煖玉堂人  
灼灼千門曉輝輝萬井春  
應憐聚螢者瞻望獨無隣

成嶸一首

登聖善寺閣望龍門

高閣聊登望遙分禹鑿門  
刹連多寶塔樹滿給孤園  
香境超三界清流振陸渾  
報慈弘孝理道行得真源  
空淨祥煙霽時明愛日溫  
願從初地起長奉下生尊

張少博一首

尚書郎上直聞春漏

建禮含香處重城待漏辰  
徐聲傳鳳闕曉唱辨鷄人  
銀箭聽將盡銅壺滴更新  
催籌當五夜移刻及三春  
杳杳從天遠泠泠出禁頻  
直廬殘響曙肅穆對鈞陳

周徹一首

賦前題

建禮通華省含香直紫宸  
靜聞銅史漏暗識桂宮春  
滴瀝疑將絕清冷發更新  
寒聲臨鴈沼踈韻應雞人  
迥入千門徹行催五夜頻  
高臺閑自聽非是駐征輪

李子卿一首

望終南春雪

山勢抱西秦初年瑞雪頻色搖鶉野霽影落鳳城春  
晶耀瓊峯逼晶明玉樹親尚寒由氣動不夜為光新  
荆岫全疑近崑丘宛合隣餘輝倘可惜迴照讀書人

徐元弼 一首

太常寺觀舞聖壽樂

舞字傳新慶人文邁舊章冲融和氣洽悠遠聖功長  
盛德流無外明時樂未央日華增顧盼風物助低昂  
嘉鳳方齊首高鴻忽斷行雲門與茲曲同是奉陶唐

張良器 一首

河出榮光

引派崑山峻朝宗海路長千齡逢聖主五色瑞榮光

隱映浮中國晶明助太陽坤維連浩漫天漢接微茫  
丹闕清氛裏函閔紫氣旁位尊常守伯道泰每呈祥  
習坎靈逾久居卑德有常龍門如可涉忠信是舟梁

王綽 一首

迎春東郊

玉管潛移律東郊始報春鑿輿膺寶運天仗出佳辰  
睿澤光時輩恩輝及物新虬螭動旌旆煙景入城闈  
御柳初含色龍池漸啓津誰怜在陰者得與蟄蟲伸

敬括 一首

賦得七月流火

前庭一葉下言念忽悲秋變節金初至分空一作火

正流氣含涼夜早光拂夏雲收助月微明散沿河麗  
景浮禮標時令來詩興與國風幽自此觀邦正一作深  
知玉葉一作葉休

柴宿一首

初日照華清宮

靈山初煦澤遠近見離宮影動參差裏光分縹緲中  
鮮飈收晚翠佳氣滿晴空林潤溫泉入樓深複道通  
璇題生炯晃珠綴引臆隴鳳輦何時幸朝朝此望同

張隨二首

早春送郎官出宰

遷即今出宰聖主下憂民紫陌軒車送丹墀雨露新

趨程猶犯雪行縣正逢春粉署時迴首銅章已在身  
鳴琴化欲展起草戀空頻今日都門外悠悠別漢臣

河中獻捷

叛將忘恩久王師不戰通凱歌千里內喜氣二儀中  
寇盡條山下兵迴漢苑東將軍初執訊明主欲論功  
落日煙塵靜寒郊壁壘空蒼生幸無事自此樂堯風

王質一首

金谷園花發懷古

寂寥金谷澗花發舊時園人事空懷古煙霞此獨存  
管絃非上客歌舞少王孫繁榮風驚散輕紅鳥乍翻  
山川終不改桃李自無言今日經塵路淒涼誰可論

張公八一首

賦前題

今日春風至花開石氏園未全紅艷拆半與素光翻  
點綴疎林遍微明古徑繁窺臨鶯欲語寂寞李無言  
谷變迷鋪錦臺餘認樹萱川流人事共千載竟誰論  
周弘亮一首

曲江亭望慈恩寺杏園花發

江亭閑望處遠近見秦源古寺遲春景新花發杏園  
萼中輕藥密枝上素姿繁拂雨雲初起含風雪欲翻  
容輝明十地香氣遍千門願莫隨桃李芳菲不為言

陳耆初一首

賦前題

曲池晴望好近接梵王家十畝開金地千林發杏花  
映雲猶誤雪照日欲成霞紫陌傳香遠紅泉落影斜  
園中春尚早亭上路非賒芳景堪遊處其如惜物華

嚴巨川一首

太清宮聞滴漏

玉漏移中禁齊車入太清漸知催辨色復聽續餘聲  
乍逐微風轉時因雜佩輕青樓人罷夢紫陌騎將行  
殘魄棲初盡餘寒滴更生慙非朝謁客空有振衣情

莫宣卿一首

百官乘月早朝聽殘漏

建禮儼朝冠重門耿夜闌碧空蟾魄度清禁漏聲殘  
候曉車輿合凌霜劍佩寒星河猶皎皎銀箭尚珊珊  
杳靄祥光起霏微瑞氣攢忻逢聖明代長願接鸞鸞

孫昌胤 一首

越裳獻白翟

聖哲符休運伊臯列上台覃恩丹徼遠入貢素羣來  
北闕欣初見南枝顧未迴歛空殘雪淨矯翼片雲開  
馴擾將無懼翻飛幸莫猜并從上苑裏飲啄自徘徊

王若昂 一首

賦前題

素羣死昭彰遙遙自越裳冰晴朝映日玉羽夜含霜

歲月三年遠山川九譯長來從碧海路入見白雲鄉  
作瑞興周后登歌美漢皇朝天資孝理惠化且無疆

孫頴 一首

送薛大夫和蕃

亞相獨推賢乘輅向遠邊一心傾漢日萬里望胡天  
忠信皇恩重要荒聖德傳戎人方屈膝塞月復嬋娟  
別思流鶯晚歸朝候鴈先當書外垣傳迴奏赤墀前

徐敞 一首

白露為霜

早寒青女至零露結為霜入夜飛清景陵晨積素光  
駟星初替葭葭復蒼蒼色員沙灘白威加木葉黃



鮮輝襲紈翁殺氣掩干將。葛屨那堪履徒令君子傷。  
顏粲一首

賦前題

悲秋將歲晚繁露已成霜。徧渚蘆花白。霑籬菊自黃。  
應鐘鳴遠寺。擁鴈度三湘。氣逼襦衣薄。寒侵宵夢長。  
滿庭添月色。拂水斂荷香。獨念蓬門下。窮年在一方。

陳祐一首

風光草際浮

秀發王孫草。春生君子風。光搖低偃處。影散艷陽中。  
稍稍移蘋末。微微轉蕙叢。浮煙傾綠野。遠色澹晴空。  
泛彩池塘媚。含芳景氣融。清暉誰不挹。幾許賞心同。

湯沐一首

登雲梯

謝客常遊處。層巒枕碧溪。經過殊俗境。登陟象雲梯。  
步步勞山屐。行行躡澗霓。迴臨天路廣。俯眺夕陽低。  
賞詠情彌愜。風塵事已睽。前修如可慕。投足固思齊。

童翰卿一首

織女石

一片昆明石。千秋織女名。見人虛脉脉。臨水更盈盈。  
首作輕衣色。波為促杼聲。岼雲連髮濕。沙月對眉生。  
有臉蓮同咲。無心鳥不驚。還如明鏡裏。形影兩分明。

熊孺登一首

日暮天無雲

杳杳復蒼然無雲日暮天象分青氣外景盡赤霄前  
漸吐星河色遙生水木烟從容難附麗顧步欲澄鮮  
但見收三素何能測上玄應非暫呈瑞不許出山川

無姓氏詩九首

晦日同志昆明池泛舟

靈沼疑河漢蕭條見斗牛煙生知岸近水淨覺天秋  
落月低前樹清輝滿去舟興因孤嶼起心為白蘋留  
恍吹蕪漁笛閑雲伴客愁龍津如可上長嘯且乘流

金谷園花發懷古

春風玉梓澤遲景映花林欲問當時事因傷此日心

繁華人已歿桃李意何深澗咽歌聲在雲歸蓋影沉  
地形回萬古笑價失千金遺跡因無限芳菲不可尋

日暮山河清

天高爽氣晶遲景忽西傾山列千重靜河流一帶明  
想同金鏡徹寧讓玉壺清纖翳無由出浮埃不復生  
縈紆分漢苑表裏見秦城逸興終難繫抽毫仰此情

華山慶雲見

聖主祠名岳高風發慶雲金柯初繚繞玉葉漸氤氳  
氣色含珠日光明吐翠雰依稀來鶴態髮鬣列仙群  
萬樹流光影千潭寫錦文蒼生忻有望祥瑞在吾君  
空水共澄鮮

悠然四望通渺渺水無窮海鶴飛天際煙林出禁中  
雲消澄過碧霞起澹微紅落日浮光滿遙山翠色同  
樵聲喧竹嶼棹唱入蓮叢遠客舟中興煩襟暫一空

郊壇聽雅樂

泰壇恭祀事彩仗下寒坳展禮陳嘉樂齊心動衆靈  
韻長飄更遠曲度靜宜聽泛響何清越隨風散杳冥  
微懸和氣聚旋退曉山青本自鈞天降還疑列洞庭

霜隼下晴臯

九臯霜氣勁翔隼下初晴風動閑雲卷星馳白草平  
稜稜方厲疾肅肅自縱橫掠地秋毫迫投身逸翮輕  
高墉全失影逐雀乍飛聲薄暮寒郊外悠悠萬里情

河出榮光

符命自陶唐吾君應會昌千年清德水九折滿榮光  
極岸浮佳氣微波照夕陽澄輝明月闕散彩入龍堂  
近帶閑雲紫遙連日道黃馮夷矜海若漢武貴宣房  
漸沒孤槎影仍呈一蒂抗撫躬悲未濟作頌喜時康

送史司馬赴崔相公幕

文苑英華失姓氏嚴滄浪云此或太白之逸詩也不然亦是盛唐人之作

崢嶸丞相府清切鳳凰池羨爾瑤臺鶴高棲瓊樹枝  
歸飛晴日好吟弄惠風吹正有乘軒樂初當學舞時  
珍禽在羅網微命若遊絲願托周周羽相銜漢水湄

衲子四人

皎然

四首

奉陪顏使君修韻海畢東溪泛舟餞諸文士

諸侯崇魯學羔鴈日成群外史刊新韻史即定古文  
魯公著書依切韻起東字字脚皆例古篆菁華兼百氏雅素備三墳國語  
思開物王言欲致君研精業已就歡宴惜應分獨望  
西山去將身寄白雲

冬日遥和盧使君幼平綦毋居士遊法華寺高頂臨湖亭

仁芳標絕境廉守躡高蹤天見纔分刹風傳欲盡鐘  
城中歸路遠湖上碧山重水照千花界雲開七葉峰

寒空艾綬滿晴翠白綸濃逸韻知難繼佳遊恨不逢  
仍聞撫禪石為我久從容

陪顏使君餞宣諭蕭常侍

江淮凋瘵後遠使發天都昏墊宸心及哀矜詔命敷  
恤民驅急傳訪舊枉飛鱸外鎮藩條最中朝顧問殊  
文皆正風俗名共溢寰區已事方懷闕歸期早戒途  
繁笳咽水閣高蓋擁雲衢暮色生千嶂秋聲入五湖  
離歌猶宛轉歸馭已踟躕今夕庾公意西樓月亦孤  
春日酬祭撤瀆使大理盧卿自會稽迴經  
年將赴朝寄故林十二韻

望祀崇周典皇華出漢庭紫泥頒會計玄酒薦芳馨

聖慮祈多祐齋心合至靈占祥形史竹筮日數堯真  
禮秩新加命朝章舊理刑敷誠依北闕遺愛在西亭  
五袴歌仍詠三碑石重銘躊躇問存沒委曲向郊坰  
茗水曾同泛稽山昔共經清風門客仰佳頌國人聽  
奉使朝行月飛文夜動星征途回四牡遙戀故林青

清江 三首

早發陝州途中贈嚴秘書

此身雖不繫憂道亦勞生萬里江湖夢千山雨雪行  
人家依舊壘閑路閉層城未滅交河虜猶屯細柳兵  
艱難差遠道棲託賴深情貧病吾將有精修許少卿

早春書情寄河南崔少府

日日東風至陽和似不均病身空益老愁髮不知春  
宇宙成遺物光陰促幻身客遊傷末路心事向行人  
道薄猶懷土特難欲厭貧微才如可寄赤縣有鄉親

春遊司直城西鸕鷀谿別業

別墅軍城下閑喧未可齊春深花蝶夢曉隔柳煙鞞  
韶景浮寒水踈楊映綠堤沿洄看竹色來往聽鶯啼  
久慢持生術多親種藥畦家貧知素行心苦見清溪  
越客初投分南枝得寄棲禪機空寂寞雅趣賴招携  
本寺重江外遊方二室西徘徊戀知己日夕草萋萋

廣宣 一首

皇太子頒賜存問并索和新詩因有陳謝

望苑招迎後禪扉訪問餘祇言俟文雅何意入庸虛  
 率性多非學緣情偶自書清風聞寺響白日見心初  
 重道逢軒右崇儒過魏儲青宮列梗梓玄圃積瓊瑤  
 鄭鼠寧容者齊竽久捨諸空懷受恩感含思幾躊躕  
 理瑩一首

送戴三徵君還谷口舊居

巖穴多遺秀弓車屢遠招周王尊渭叟顏容傲唐堯  
 出處天波合閔河地勢遙瞻星吳郡夜作霧華山朝  
 清論虛重席閑居掛一瓢漁歌思坐酌宸渥寵行輶  
 春為荷裳暖霜因葛履消層崖懸瀑溜萬壑振清風  
 谷鳥猶遷木場駒正食苗謝安何日起台鼎佇君調



宮闈四人

上官昭容一首

奉和幸三會寺應制

釋子談經處軒臣刻字留故臺遺老識殘簡聖君求  
 駐蹕懷千古開襟望九州四山緣塞合二水夾城流  
 宸翰陪瞻仰天杯接獻酬太平詞藻盛長願紀鴻休

宋若昭一首

奉和御製麟德殿燕百僚

垂衣臨八極肅穆四門通自是無為化非閑輔相功  
 修文招隱伏尚武殄妖凶德立韶光熾恩沾雨露濃  
 衣冠陪御燕禮樂盛朝宗萬壽稱觴日千年信一同

宋若憲 一首

奉和前御製

端拱承休命時清荷聖皇  
四聰聞受諫五服遠朝王  
景媚暄初轉春殘日正長  
御筵多濟濟盛樂復鏘鏘  
宴鎬誰能敵橫汾未可方  
願齊山岳壽福祉永無疆  
長篇

杜審言 一首

和李大夫嗣真奉使存撫河東 四十韵

六位乾坤動三微歷數遷  
謳歌移火德圖讖在金天  
子月開階統房星受命年  
禎符龍馬出寶錄鳳凰傳  
地即交風雨都仍卜澗瀍  
明堂唯御極清廟乃尊先

不宰神功運無為大象懸  
八荒平物土四海接人烟  
已屬群生泰猶言至道偏  
靈書傍問俗旌節近推賢  
秩比司空位官臨御史負  
推辭執刀筆直諫罷樓船  
國有大臣器朝加小會筵  
將行備禮樂送別仰神仙  
城闕周京轉関河陝服連  
稍觀汾水曲俄指絳臺前  
姑射聊長望平陽遂宛然  
舜耕餘草木禹鑿舊山川  
昔出諸侯靜無何霸業全  
中軍掃戰敵外府絕兵權  
隱隱帝鄉遠瞻瞻肅祀虔  
西河偃風俗東壁掛星躔  
井邑扮榆社陵園松栢田  
榮光晴掩代佳景晚侵燕  
雨沛鴻私條風行睿旨宣  
悼釐訪疾苦屠釣采貞堅  
人樂逢刑措時康洽賞延  
賜踰秦氏級恩倍漢家錢

擁傳咸翹首稱觴競比肩拜迎迷道路詠舞溢郊鄩  
 殺氣西衝白窮陰比暝玄飛霜遙度海殘月迫臨邊  
僧皎然緬邈朝廷問周流朔塞旋興來貪馬策俊發  
云遠也抱龍泉學捨八千卷文傾三百篇澄清得使者作頌  
 有人焉莫以崇班列而云勝托捐偉才何磊落陋質  
 幾翩翩江海寧為讓巴渝轉自牽一聞歌聖道助曲  
 荷陶甄

杜甫 三首

奉送郭中丞兼太僕卿充隴右節度使

詔發西山將秋屯隴右兵淒涼餘部曲燁赫舊家聲  
 鷓鴣乘時去驪驄顧主鳴艱難須上策容易即前程

斜日當軒蓋高風卷旆旌松悲天水冷沙亂雪山清

和虜猶懷惠防邊詎敢驚劉云上有句有風下句傷時古來於異域

鎮靜示專征燕薊奔封豕周秦觸駭駭中原何慘黯

餘孽尚縱橫箭入昭陽殿笳吟細柳營內人紅袖泣

王子白衣行宸極妖星動園林殺氣平空餘金碗出

無復總帷輕劉云如箭入昭陽至總帷駈廟天飛雨

焚宮火徹明果恩朝共落掄擗夜同傾三月師愈整

群胡勢就烹瘡痍親接戰勇決冠垂成妙譽期元宰

殊恩且列卿幾時回節鉞戮力掃撓捨圭竇三千士

雲梯七十城耻非齊說客耳似魯諸生通籍微班忝

周行獨坐榮隨肩趨漏刻短髮寄簪纓徑欲依劉表



還疑厭禰衡漸衰那此別忍淚獨含情發邑狐狸語  
空村虎豹爭人頻墜塗炭公豈忘精誠元帥調新律  
前軍壓舊京安邊仍危從莫作後功名

寄彭州高三十五使君適虢州岑二十七

長史參三十韻

故人何寂寞今我獨淒涼老去才難盡秋來興甚長

物情尤可見詞客未能忘劉云物情往往見海內知

名士雲端各異方高岑殊緩步沈鮑得同行意愜閑

飛動篇終接混茫劉云即子美自舉天悲富駱近代

惜盧王似爾官仍貴前賢事可傷諸侯非棄擲半刺

已翔翔詩好幾時見書成無使將男兒行處是客子

鬪身強羈旅推賢聖沉綿抵咎殃三年猶瘡疾一鬼

不銷亡隔日搜脂髓增寒抱雪霜徒然潛隙地有緬

髮鮮粧何太龍鍾極于今出處妨無錢居帝里盡室

在邊疆劉表雖遺恨龐公至死藏心微傍魚鳥肉瘦

怯豺狼隴草蕭蕭白冰雲片片黃彭門劍閣外虢畧

鼎湖傍荆王簪頭冷巴牋染翰光烏麻蒸續曬丹橘

露應嘗豈異神仙宅俱蕪山水鄉竹齋燒藥竈花嶼

讀書牀更得清新否遙知對屬忙舊官寧改漢淳俗

本歸唐濟世宜公等安貧亦士常蚩尤終戮辱胡羯

漫猖狂會待祆氛靜論文暫裹糧

寄岳州賈司馬六丈巴州嚴八使君兩閣

衡岳啼猿裏巴州鳥道邊故人俱不利謫宦兩悠然  
 開闢乾坤正榮枯雨露偏長沙才子遠釣瀨客星懸  
 憶昨趨行殿殷憂捧御筵討胡愁李廣奉使待張騫  
 無復雲臺仗虛脩水戰船蒼茫城七十沉落劍三千  
 畫角吹秦晉旄頭俯澗瀍小儒輕董卓有識咲符堅  
 浪作禽填海那將血射天萬方思助順一鼓氣無前  
 陰散陳倉北晴薰太白巔亂麻屍積衛破竹勢臨燕  
 法駕還雙闕王師下八川此時沾奉引佳氣拂周旋  
 劉云乱來讀此貌虎開金甲麒麟受玉鞭侍臣諳入  
 十字哀痛殊生 俗俗意不飽 花動朱樓雪城疑碧樹  
 仗廐馬解登仙

烟衣冠心慘愴故老淚潺湲哭廟悲風急朝正露景  
 鮮月分梁漢米春給水衡錢內並繁於纈宮莎軟勝  
 綿恩榮同拜手出入最隨肩晚著華堂醉寒重繡被  
 眠轡齊兼秉燭書枉滿懷牋劉云總復京便有此樂  
 幾每覺升元輔深期列大賢秉鈞方咫尺鏃翮再聯  
 翩禁掖朋徒改微班性命全青蒲甘受戮白髮竟誰  
 怜弟子貧原憲諸生老伏虔師資謙未達鄉黨敬何  
 先舊好腸堪斷新愁眼欲穿翠乾危棧竹紅膩小湖  
 蓮賈筆論孤憤嚴詩賦幾篇定知深意苦莫使眾人  
 傳貝錦無停織朱絲有斷絃浦鷗防碎首霜鶻不空  
 拳地僻昏炎瘴山稠隘石泉且將棊度日應用酒為

年劉云甚言避典郡終微眇治中實奔捐安排求傲

吏比興展歸田去去才難得蒼蒼理又玄古人稱逝

矣吾道卜終焉隴外翻投跡漁陽復控弦笑為妻子

累其與歲時遷親故行稀少兵戈動接聯他鄉饒夢

寐失侶自迤邐多病加淹泊長吟阻靜便如公蓋雄

俊志在必騰騫劉云結語如此使人意盡

永嘉薛韶云老社近体律詩精深妥帖雖多至百韻而首尾相應如常山之蛇無間

斷齟齬處矣

高適 二首

信安王幙府詩并叙 二十韻

開元二十年國家有事林胡詔禮部尚書信安王



總戎大舉時考功郎中王公勳郎中劉公主客

郎中魏公侍御史李公監察御史崔公咸在幙府

詩以頌美數公見於詞云

雲紀軒皇代星高太白年廟堂咨上策幙府制中權

盤石藩維固昇壇禮樂先國章榮印綬公服貴貂蟬

樂善旌深德輸忠格上玄剪桐光寵錫題劍美貞堅

聖祚雄圖廣師貞武德虔雷霆七校發旌旆五營連

華省徵群入霜臺舉二賢豈伊公望遠曾是茂才遷

並秉韜鈴術兼該翰墨筵帝思麟閣像臣獻栢梁篇

振玉登遼甸撻金歷薊墟度河飛羽檄橫海泛樓船

北伐聲逾邁東征務以專講戎喧涿野料敵靜君延

軍勢持三畧兵戎自九天朝瞻授鉞去時聽偃戈旋  
大漠風沙裏長城雨雪邊雲端臨碣石波際隱朝鮮  
夜壁衝高斗寒空駐綵旃倚弓玄兔月飲馬白狼川  
廢物隨交泰蒼生解倒懸四郊增氣象萬里絕風烟  
關塞鴻勳著京華甲第全落梅橫吹後春色凱歌前  
直道常兼濟微才獨棄捐曳裾誠已矣投筆尚悽然  
作賦同元淑能詩匪仲宣雲霄不可望空欲仰神仙

奉詔睢陽李太守

公族稱王佐朝經允帝求本枝疆我李盤石冠諸劉  
禮樂光輝盛山河氣象幽系高周柱史名重晉陽秋  
華省應推擇青雲寵宴遊握蘭多具美前席有嘉謀  
賦得黃金賜言皆白壁酬着鞭驅駟馬操刃解全牛

出鎮蕪方伯承家復列侯朝瞻孔北海時用杜荊州

廣固纔登陟毗陵忽阻脩三台冀入夢四岳向分憂

郡邑連京口山川望石頭海門當建節江路引鳴騶

俗見中興理人逢至道休先移白額橫更息赭衣偷

梁國歌來晚徐方怨不留豈伊齊政術將以變澆浮

訟簡知能吏刑寬察要囚坐堂風偃草行縣雨隨輶

地是蒙莊宅城遺闕伯丘孝王餘井逕微子故田疇

冬至招搖轉天寒蟬螗收猿巖飛雨雪兔苑落梧楸

列戟霜侵戶褰帟日在鈎好賢常解榻乘興每登樓

逸足橫千里高談注九流詩題青玉案衣贈黑貂裘

窮巷軒車靜閑齋耳目愁未能方管樂翻欲慕巢由

講德良難敵觀風豈易傳寸心仍有適江海一扁舟

張籍一首

贈殷山人 三十韻

鬱鬱山中客知名四十年  
恓惶身獨隱寂寞性應便  
世業公侯籍生涯黍稷田  
藤懸讀書帳竹繫網魚船  
已種千頭橘新開數脉泉  
閑遊携酒遠出語向僧偏  
入洞題松過看花選石眠  
避喧長汨沒逢勝即留連  
自古多高跡如君少並肩  
耕耘此辛苦章句已流傳  
昔日交游盛當時省閣賢  
同袍還共弊連轡每推先  
講序居重席群儒願執鞭  
滿堂虛左待衆目望喬遷  
才異時難用情高道自全  
畏人頻慘憺疎物勢連遭

達者聞知命吾生復禮玄  
深藏報恩劍久降養生篇  
憔悴衆夫咲經過郡守憐  
夕陽悲病鶴霜氣動飢鷗  
處士誰能薦窮途世所捐  
伯鸞堪寄食元淑苦無錢  
策蹇秋塵裏吟詩黃葉前  
故囊餘白領廢瑟斷朱絃  
志氣終猶在逍遙任自然  
家貧念婚嫁身老戀雲烟  
放逸棲岩鹿清虛飲露蟬  
鄭逃秦谷口嚴愛越溪邊  
霄漢予猶阻榮枯子不牽  
山城一相遇感激意難宣

楊巨源一首

上劉侍中

命代生申甫承家翊禹湯  
廟謨膺間氣師律動清霜  
鍾鼎勳庸大山河誠誓長  
英恣凌虎視逸步壓龍驤

道協陶鈞力恩迴日光一言弘社稷九命備珪璋  
政洽軍逾肅仁敷物已康朱門重棨戟丹詔半纈緗  
位總興龍野師臨涿鹿鄉射鵬天更碧吹角塞仍黃  
深入平夷洛橫行關漢疆功垂貞石遠名映色絲香  
斷磧瞻貔武臨池識鳳凰舞腰凝綺榭歌響拂雕梁  
杯淨傳鸚鵡裘鮮照鸚鵡吟詩白羽扇校獵綠沈滄  
風景佳人地烟沙壯士場幕中邀謝墜麾下得周郎  
珠影含空徹瓊枝映座芳王渾知武子陳寔獎元方  
富貴春無限歡娛夜未央管絃隨玉帳樽俎奉金章  
俗理寧因勸邊城詎假防軍容雄朔漠公望寇岩廊  
分野隣孤島京坻溢萬箱曙華分碣石秋色入漁陽

城遠迷玄兔川明辨白狼忠賢多感激今古共蒼茫  
堤擁紅蕖艷橋分翠柳行軒車紛自至亭館鬱相當  
珍簟迴煩暑層軒引早涼聽琴知思靜說劍覺神揚  
佳景燕臺上清輝鄭驛傍鼓鼙喧北里珪玉映東林  
敢銜由之瑟甘循賜也墻官微思假路戰勝忝升堂  
欲奮三年翼頻迴一夕賜消憂期酒聖乘興任詩狂  
海內栽桃李天涯荷稻梁升沉門下意誰道在蒼蒼

鮑文姬一首

奉和御製麟德殿燕百僚

本在排律旁流類遺書在此

睿澤光寰海功成展武韶戈鋌清外壘文物盛中朝  
聖祚山河固宸章日月昭玉筵鸞鵠集仙管鳳凰調

御柳新低綠宮鶯乍轉嬌願承億兆慶千祀奉神堯

*[Faint bleed-through text from the reverse side of the page]*

*[Faint bleed-through text from the reverse side of the page]*

*[Faint bleed-through text from the reverse side of the page]*

*[Faint bleed-through text from the reverse side of the page]*

*[Faint bleed-through text from the reverse side of the page]*

*[Faint bleed-through text from the reverse side of the page]*

唐詩品彙八十一卷



